



UNIVERSITÄTS-  
BIBLIOTHEK  
PADERBORN

# **Orator Christianvs Caroli Regii E Societate Iesv**

**Reggio, Carlo**

**Romæ, 1612**

Alij Tituli Christi. cap. 7.

---

[urn:nbn:de:hbz:466:1-68672](https://nbn-resolving.org/urn:nbn:de:hbz:466:1-68672)

Hierusalem caelestem, & multorum millium Angelorum frequentiam, & Ecclesiam primitiuorum qui conscripti sunt in caelis, & testamenti noui Mediatorem Iesum, & sanguinis asper- sionem, melius loquentem quam Abel; Ex quibus bene infert, Videte ne recusetis loquentem si enim illi non effugerunt recu- santes eum qui super terram loquebatur, multo magis nos, qui de caelis loquentem nobis auertimus. Ex hoc Cyprianus docet Christianos eiusdem aduocati verbis in precibus uti, Amica, (inquit) & familiaris oratio est Dominum de suo rogare, & cum ipsum apud Patrem Aduocatum habeamus pro peccatis nostris, quando peccatores pro delictis nostris petimus, aduo- cati nostri verba promamus,

De Orat. Do- minica.

Alij Tituli Christi. Cap. VIII.

**I**N hanc modum licebit Oratori Christiano ex innumeris Christo conuenientibus titulis argumenta varia deducere ad multa persuadenda: longum esset in singulis immorari. Est enim praeterea Christus noster Dux, Saluator, Protector, Magi- ster, Via, Veritas, Vita, Lux, Ostium, Pax, Fons, Signaculum, Amicus, Frater, Sponsus, Haeres vniuersorum, denique omne bonum nostrum. Ex his titulis quam magna existit argumen- torum seges? Dux est & nos eius milites, ergo debemus in no- mine Iesu & virtute eius, non nostra, acriter, & alacriter, non solum aduersus carnem, & sanguinem, sed aduersus spiritua- lia nequiciae pugnare, sperantes & nos cantaturos cum Paulo Deo autem gratias, qui dedit nobis victoriam per Dominum nostrum Iesum Christum: & poterimus hortari etiam alios, vt Paulus subdit ibidem. Itaque fratres mei dilecti stabiles esto- re, & immobiles abundantes in opere Domini semper, scientes quod labor vester non est inanis in Domino. Est Saluator, ergo ab eo habemus gratiam, qua est salus animae iustificata, & glo- riam qua est merces aeterna in caelo. A Christo habemus gra- tiam iustificationis, & remissionis peccatorum, quod est sum- mum beneficium: habemus ex eiusdem Christi meritis donum Perseuerantiae, & vt opera nostra merendi vim consequantur, tum maioris gratia, tum ipsius beatitudinis augmentum. Sed haec omnia ita habemus a Christo, vt nostra cooperatio sit ne- cessaria vt Christi merita nobis applicentur, alioquin nil pro- derit nobis Saluatoris industria. Ideo sapienter Paul. Appa- ruit benignitas, & humanitas Saluatoris nostri Dei, non ex ope- ribus

Christus Dux.

1. Cor. 15.

Saluator.

Tit. 3.



ribus iustitiæ quæ fecimus nos, sed secundum suam misericordiam saluos nos fecit per lauacrum regenerationis, & renouationis Spiritus sancti, quem effudit in nos abunde per Iesum Christum Saluatorem nostrum, vt iustificati gratia ipsius heredes simus secundum spem vitæ æternæ. Istud est esse Saluatorem. Sed hæc verba iungenda cum his quæ dixerat de eodẽ Saluatore, Apparuit gratia Dei Saluatoris nostri omnibus hominibus; quid hinc colligere debeamus subiicit, erudiens nos (ait) vt abnegantes impietatem & sæcularia desideria, sobrietate, & piè, & iuste viuamus in hoc sæculo; Vide quid à nobis requirit Saluator, vt salus, quam nobis ipse suo sanguine acquisiuit, nobis valeat. Et tu Concionator aduerte quid Paulus à te postulet, Hæc loquere, & exhortare, & argue cum omni imperio, nemo te contemnat. Est Protector noster, non modo qua parte est Deus, sed item vt homo etiam nunc sedens ad dexteram Patris, Si Deus (ait Apostolus) pro nobis quis contra nos? & subdit. Quis accusabit aduersus electos Dei? Deus qui iustificat, quis est qui condemnet? Christus Iesus qui mortuus est, imo qui & resurrexit, qui est ad dexteram Dei, qui etiam interpellat pro nobis; quasi dicat, Deus certè non accusat, sed iustificat: Christus planè non condemnat, quia pro nobis est mortuus & postea resurrexit, & nunc ad dexteram Dei etiam pro nobis interpellat. Vide quam merito si grati esse volumus, debemus cum Paulo dicere quod mox adijcit, quis ergo nos separabit à charitate Christi; Et propter te mortificamur cotidie, æstimati sumus sicut oves occisionis, & in his omnibus speramus propter eum qui dilexit nos. Magister est & doctor, & talis vt exemplo, & doctrina nos doceat, quia Actor: Primo dicitur, cepit prius facere, deinde docere; & nos debemus illi ediscere, vt dicitur apud Iosue, in Domino Deo nostro, quia dedit nobis talem doctorem iustitiæ; & gaudere quoties audimus, dixit Iesus discipulis suis, & inuicem adhortari, vt dicitur apud Iosue, Erit mons domus Domini, & eleuabitur super omnes colles, & current ad eum omnes gentes, & dicent, Venite ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius: Hæc est via ambulante in ea, & nõ declinetis neque ad dexteram neque ad sinistram. Si est veritas ergo ei credendum omnino ne erremus. Si veritas ergo viuamus in eo, vt possimus cū Paulo dicere, viuo autè iam non ego, viuit vero in me Christus; & cum eodem sperare vt de nobis

Cap. 2.

Protector noster  
Christus.  
Rom. 8.

Magister noster  
Christus.

Actor. 1.

Isa. c. 30.

Ioel. c. 2.

Isa. c. 2.

Christus Via  
Veritas, &  
Vita.

Isa. 30.

Ioan. 14.

Gal. 2.

nobis quoque dicatur; Vita vestra abscondita est cum Christo in Deo. cum autem apparuerit Christus vita vestra, tunc & vos apparebitis cum ipso in gloria; sed necesse est id prestare quod Apollolus eo loco congruenter subiungit; mortificate ergo membra vestra quæ sunt super terram fornicationem &c.

Christus lux est vt ipse ait, Ego sum lux mundi, ergo sequamur hanc lucem; nam ipsemet subdit, qui sequitur me non ambulat in tenebris; sicut ambulauerunt, & ambulant qui hanc lucem non sequuntur; præsertim quod sequentes lucem, nõ solum pellunt tenebras, sed & ipsi fiunt lux alijs, vt Paulus ait, Eratis aliquando tenebræ, nunc autem lux in Domino, Et Discipulis Christus ait, Vos estis lux mundi. Ostium est per quod debent intrare qui saluandi sunt. Ego enim ait, Saluator sum ostium ouium, si quis per me introierit saluabitur, qui autem non intrat per ostium fur est, & latro, Non enim est aliud nomen in quo oporteat nos saluos fieri, ipse est Pax nostra, qui fecit vtraque vnum. Est fons patens in ablutionem peccatoris, & menstruata, ad quem, confugiendum vt abluamur a sordibus animæ, Est Signaculum vt dicitur in Cant. pone me vt signaculum super cor tuum, super brachium tuum. Ambros. Signaculum Christi in fronte est, signaculum in corde, signaculum in brachio, In fronte vt semper confiteamur, in corde vt semper diligamus, in brachio, vt semper operemur. Est Amicus, Vos autem dixi amicos quia quæcumque audiui a Patre meo, nota feci vobis. Igitur oportet nos cum Christo, fidelis amicitie leges, summa cura, & affectu seruare, ita vt si opus sit etiam vitam pro amico exponamus, sicut ipse pro inimicis vt amicos faceret suam posuit, Si cum inimici essemus reconciliati sumus per mortem filij eius, multo magis reconciliati salu erimus in vita ipsius. Est frater noster, & a Paulo vocatur Primogenitus in multis fratribus. Vide quanta dignitas habere fratrem talem qui est filius Dei naturalis, & quantam sanctitatem a fratribus merito exquirat talis primogeniti excellentiam. Est sponsus, Sponsabo te mihi in iustitia, & iudicio & in misericordia, & in miserationibus, & sponsabo te mihi in fide, & scies quia Ego Dominus; Cui titulo seruit totus liber Cantic. Vide quanta cura debeat Ecclesia, & quælibet anima hunc sponsum honorare, magnificere, ac diligere toto corde, tota anima totisque viribus. Est a Deo Patre constitutus Heres vniuersorũ vt dicitur a Paulo, ergo ex bona sequela debeo intelligere totum me quantus quantus sum ad eius hæreditatem pertinere vt me-

Colof. 3.

Ioan. 8.

Christus lux.

Eph. 5.

Matth. 5.

Ostium.

Ioan. 10.

Fons.

Actor. 4.

Eph. 2.

Zach. 13.

Signaculum.

Cant. 6. 8.

De Isaac,

cap. 8. in

c. 26. Gen.

Amicus.

Ioan. 15.

Rom. 5.

Frater.

Rom. 8.

Sponsus.

Ose. 2.

Heb. 1.

LIBRARIUS

Christus omne bonum nostrum, si non ei me totum tradam. Denique vno verbo dici potest, Christum esse totum nostrum bonum, ex quo nobis omnia, per quem omnia, & a quo omnia, & ut dicamus sicut quædam anima Christo vnita, quærentibus qualis est dilectus tuus, quia sic

*Cap. 7.* adiuuasti nos, respondit in Cantic. Dilectus meus candidus, & rubicundus electus ex millibus, & totus desiderabilis, vel ut habet alia versio ex hebraica lingua totus desideria, hoc est,

*Epist. 11.* quicquid in se habet nostra desideria ad eius amorem, & feruitutem inflammat. Addamus ex Ambrosio, vbi explicans illud: Speciosus forma præ filiis hominum, de Christi pulchritudine agit; Videt, ait, ut eius consideratione fiat speciosa anima nostra, & delectetur, & pinguescat, & fecundetur, & detescat: hic est thesaurus noster, hic vita nostra, hic sapientia nostra, iustitia nostra, pastor noster, & pastor bonus. Videt, quanta bona in vno bono. Pulcherrime item hunc locum tractat S. Paulinus Nolanus Episcopus, Ergo (inquit) illum amemus quem amare debitum est, illum osculemur, quem osculari, castitas est, illi subiciamur, sub quo iacere, supra mundum stare est, propter illum deiciamur, cui cadere resurrectio est, illi commoriamur in quo vita est; Et alia subiicit multa, quibus probat Christum omnia sua, & nomina, & bona nobis communicasse, & omnia nobis esse Christum.

*Ep. 4. ad Seue. ad finem.* Quomodo dilatari possint, apteque tractari ad motum, argumenta petita ex Titulis Christi & nominibus, quæ illi nos obligant. *Cap. VIII.*

**P**ost allatos Christo conuenientes titulos, placet explicare modum aliquem, quo ex his tanquam locis, argumenta sumere, ac eadē possimus amplificare. Tria sūt capita, ad quæ reuocari possunt omnia, per quæ mouere nos alij solent ad quidpiam agendum. Primum Exempla, Deinde Verba, postremo Facta; quæ quomodo ab exemplis hoc loco distinguantur, infra explicabitur. Exempla vim maximam, sine dubio habent, siue sodalium ac parium inter se, siue superiorum apud inferiores. Et potest ratio asferri, cur tantum exempla valeant. Et ostendi eorum vis, autoritate sapientum, & ipsismet exemplis, tum sacris tum prophanis. proclive est filio imitari parentes, discipulo magistrum, populari principem, Militi Ducē, sodali & amico, amicum atque sodalem, ac generatim omnibus

Tria sunt  
quæ nos ad  
aliquid faciendum mouent.  
Exempla Christi maxime imitanda.